

胡文忠公遺集卷二十

長沙鄭敦謹

編輯

湘鄉曾國荃

水陸各軍剿除下游童司牌賊匪屢獲勝仗疏

七年七月初八日督發

竊皖賊竄擾漸廣臣等前將黃州以上武漢一帶嚴
密布置臣胡林翼連日督帶隊伍由黃郡移營進紮
籌策攻剿各情已經奏聞在案詎該逆糾集大股
復於廣濟內湖童司牌一帶據險築壘伺我黃梅各
軍之隙六月二十四日都興阿密察形勢將黃梅五

里涼亭孔廣順王國才石清吉各營移紮武穴龍坪
濯港等處以資守禦卽以十里鋪億生寺各營爲前
敵又商令楊載福派都司胡友亮管帶舳板船二十
隻繞入內湖二十五日卯刻黃梅北山及大河鋪迤
南一帶賊匪全數擁出直撲十里鋪官營翼長多隆
阿揮隊迎擊獲勝副將鮑超復乘勝攻燬賊壘一座
殺賊三百餘名二十六日賊又各路擁出漫山遍野
多隆阿定計以一路兵勇大張旂鼓戰賊於十里鋪
之北自率勁騎同鮑超步軍掩旂息鼓出其不意突
攻億生寺西路賊壘賊知我軍注意於北而不虞西

路之猝至也相顧駭奔我軍拔樁越濠焚燬賊壘三座同時十里鋪賊亦被我軍衝突奔逃兩路計斃賊千餘名生擒三十餘名奪獲擡鎗黃旂刀矛不計其數正因暑熱收隊而是日內湖水師探知陸路官兵得勝胡友亮卽分撥舳板搜剿轟燒賊船百餘奪獲船二十餘隻又駛至童司牌小河轟擊賊壘浮橋賊眾擁兩岸夾擊胡友亮受傷力戰迺都興阿率馬步馳至接應將賊擊退殺賊多名而相距童司牌數千里之官橋復有賊划紮成橋渡經馬步隊截剿殺賊奪划毀其橋渡而還此二五十六等日黃梅各軍水

陸勦賊之情形也連日都興阿復密商李續賓由南岸抽撥湘前後各營及護軍右營李續賓卽親率隊伍渡江至北岸羅昌驛適都興阿率石清吉等各軍亦至此地自東至西有小河一道東通北湖西繞武穴賊於河中架浮橋三座堅壘縣亘如常山之蛇壘前則長港環繞李續賓相度地勢以朱品隆前營周寬世後營蔣凝學左營合三營兵勇進擊其腰以彭友勝右營繞出前營之側從旁進擊又以沈俊德元字右營往擊東頭之壘並派石清吉劉元勳勇丁繞出沈俊德之東又令奇右營趙克彰與閔化勇進攻

橋西之壘均預備柴草填港造橋都興阿以馬隊分
路接應二十九卯刻李續賓齊隊前進搭橋甫成該
逆卽出眾抗拒我軍嚴隊以待俟賊逼近以劈山礮
轟之賊猶抵死抗拒各營奮力攻擊賊勢漸挫我軍
得踰濠直逼牆邊齊拋火器噴筒賊壘自首至尾同
時火起賊眾潰竄馬步分投截擊斃賊約四五百名
而水師復於橋東橫擊燒燬賊划百數十號賊擁擠
落水並被我兵追殺及投湖淹斃者計千數百名內
斃僞先鋒檢點目賊十餘名於身邊搜出僞印等件
生擒四十餘名奪獲洋礮銅礮共十餘位鎗矛百餘

件騾馬二百餘匹童司牌兩岸賊壘十三座悉數燬
平我軍收隊造飯暫歇遙見北岸相距七八里尙有
賊築高壘六座旂幟林立李續賓料賊方大敗其氣
必餒卽令各營官乘勝一鼓而進賊果棄壘潰走我
軍追殺十餘里斃賊數百名而還是役也盡一日之
長先後共踏平賊壘十九座都與阿派石清吉劉元
勳等營駐守其地李續賓振旅回南岸老營此童司
牌連日大獲勝仗之情形也臣胡林翼率同唐訓方
日來進紫黃岡之傅家嶺相機勦辦分撥翼長巴揚
阿馬步防守馬鞍山要隘舒保馬隊各路接應賊初

意屢圖上犯經水師哨官左光培率礮船在上巴河
日夜巡防屢擊毀浮橋傷賊多名使該逆無可逞志
七月初一日午後孫家嘴股匪會合上巴河匪黨乘
我營壘初定分路偷撲我軍登山瞭望知其詭計卽
分派隊伍繞出賊後擊其不備賊眾潰竄參將何紹
彩等復率各營齊出追擊沿途斃賊百餘名擒斬長
髮老賊六十餘名奪獲旂械多件日暮收隊此黃州
甫經進兵紮營卽獲勝仗之情形也臣等查斬廣逆
徵正張而自黃州以上守禦旣嚴賊輒敢於下游童
司牌地方背水臨湖築壘抗拒詭計百出欲斷我糧

路實爲心腹之患今經都興阿老成持重商議會剿
李續賓料敵決勝將逆巢悉數毀除分軍駐守實屬
調度合宜不特黃梅各軍氣勢益固卽武穴龍坪運
糧要道亦臻安堵戰守皆有可恃現由瑞州調撥李
續宜一軍繞道行抵黃州臣胡林翼卽當面商機宜
乘此聲威將蕪黃逆氛節節掃蕩以便專力攻取九
江外所有剿除童司牌賊壘疊獲勝仗情形謹會同
江甯將軍都興阿繕摺由六百里馳奏
再新授貴州安義鎮總兵王國才六月二十四日二
更由黃梅城外移營進紮灌港以禦童司牌踞賊正

督兵起程搬運葯篋卽有賊至偷撲王國才督隊開礮斃賊多名賊復用礮回擊拋擲火蛋適中我營火葯登時轟然王國才恐軍心紛亂屹立不動傳諭兵勇奮力進勦不意火勢燎原王國才被火轟傷登時陣亡屍身尙無下落并燒斃官弁兵勇百餘名又由省委解軍裝火葯糧米畱營差委之候補湖南訓導吳炳捐從九銜吳灼湖北候選州經歷懋懋丞張兆麟三員亦被傷身故經多隆阿馬隊救援賊始敗退由都興阿查明咨報前來臣等查王國才由雲南游擊調赴湖北大營先經臣奏畱保守荆郡擊賊於龍

會橋以少克眾歷著奇功嗣派隨督臣楊需下勦黃州九江因武昌再陷折回南岸復經臣調赴北岸前敵攻克漢陽郡城池跟蹤勦賊直至黃梅計其在楚數年臨敵身先士卒大小數百戰所向有功平日廉明愛士甚得兵心實爲將領中出色之員臣正資臂助乃因移營禦敵奮不顧身被火礮焚傷登時陣亡不勝悼惜除將其原部兵勇已派員管帶外相應懇天恩俯准賞加王國才提督銜敕部照提督陣亡例從優議卹並於陣亡及原籍地方設立專祠以慰忠魂其同時被傷身故之委員吳炳

吳灼張兆麟三員並請一併
敕部議卹仍飭查
傷亡員弁兵勇另行造冊咨部核辦外所有總兵陣
亡緣由謹附片陳明

上諭官艾胡林翼奏水陸各軍剿除下游賊壘疊獲勝仗
一招 此次剿除賊壘疊獲大勝辦理尙爲得手著官
文等乘此聲威迅掃逆氛毋畱餘孽另片奏貴州安義
鎮總兵王國才督隊迎剿被火葯轟傷陣亡等語王國
才隨剿數年歷著戰功茲因移營禦敵奮勇捐軀實堪
憫惻著賞加提督銜從優照提督陣亡例議卹並於陣
亡及原籍地方建立專祠以慰忠魂其同時被傷身故

之委員湖南候補訓導吳炳從九品銜吳灼湖北候選
府經歷縣丞張兆麟著一併議卹該部知道欽此 七月
二十二日接奉

黃梅馬步各軍會剿黃蠟山等處並黃州移營
剿賊大獲勝仗疏 七月十八日督發

竊下游廣濟內湖董司牌一帶前被賊眾築壘造橋
窺伺黃梅官軍後路阻我武穴龍坪餉道經都興阿
李續賓等會師北岸六月二十九日一鼓殲除於通
省全局武漢安危關係非淺大有裨益業經馳奏
在案臣等以黃梅壤接皖疆賊巢無算恐其復肆鴟

張卽飛咨都興阿等乘勝進剿迅圖殄滅都興列於
七月初一日四鼓派翼長多隆阿督馬隊副將鮑超
率步隊並開化勇分中左右前後五路進攻黃蠟山
等處賊巢又分兩翼以截王家河十里鋪兩路之賊
石清吉率眾接應姜玉順帶隊截賊後路分布甫畢
天已微明賊見我軍遽至亦分股漫山遍野齊出抗
拒鏖戰數時之久多隆阿偵知賊以怯懦老幼之賊
守壘而伏悍賊於村落以截我軍遂商令鮑超分兵
繞攻賊壘之後多隆阿派馬隊直衝村落伏賊盡起
勢甚凶悍兵勇正在血戰經多隆阿躍馬舞刀揮隊

繼進兵勇鎗箭齊施殪其悍賊數十名賊始收竄維時鮑超卽率勇追殺分攻賊壘施放噴筒火箭延燒賊營四面火起羣賊狂奔我軍會合痛勦賊屍遍野多隆阿等令各軍立營造飯以息其力仍傳令夙夜追勦士氣倍振賊勢披靡直至初二日未刻收隊計初一初二等日踏毀黃蠟山甘家畝楓樹嶺張家塢蔡家城陳穀淩袁祚驛王家河等處賊壘四十八座共斬賊五千餘名溪水爲赤其撲港淹斃者無算生擒長髮老賊數百名奪獲大小礮六十餘位鳥鎗鎗鎗六百餘桿旂幟器械夥如山積餘匪竄入山谷現

仍搜捕此初二等日黃梅各軍剿賊大獲全勝情
形也查下游賊窟漸空而在蘄黃者眾仍數萬經臣
官文前於沿江上下分撥水陸各軍逐節布置該逆
已無上竄之技然其窺伺長江防範不容鬆懈水師
楊載福前派正中營都司宋美富帶領礮船扼守蘄
州江面先於前月二十六日折毀賊所造菩隄壩浮
橋燒燬賊目油鹽館因連日被剿窮蹙賊眾四散奔
逃本月初九日復經宋美富督勇搜剿斬殺百餘生
擒長髮七名奪獲洋鐵礮四位旂幟刀矛無算此蘄
州水路擊退賊匪之情形也

臣

胡林翼昨因李續宜

湘勇援師行抵黃州商議進剿已由傅家嶺進紫望
城崗桃花洞一帶連日出隊及左光培礮船在上巴
河均疊有斬擒臣胡林翼以孫家嘴流水灣踞賊當
黃岡蘄水之衝亟應設計剿除十一日傳集將領指
授方畧令李續宜率湘寶信五營進攻以參領舒保
馬隊繼之又派游擊孫昌凱都司左光培率水師會
剿並令唐訓方唐協和督勇伏於鳳皇山右派都司
余雲龍余際昌督勇伏於鳳皇山前以扼柳家灣馬
家園等處援賊又令參將何紹彩派仁字三營伏於
湘寶營盤之山崗爲疑兵以防抄截十二日二更李

續宜等督隊前進抵孫家嘴相近之灞崎山賊搭有浮橋兩道與斬水之賊往來相通李續宜因與舒保登山相度地勢卽令都司曹日昇帶副信營立於灞崎山巔防斬水之賊截我後路又分從九李耀南千總黃澤遠帶新後營由左路傍河而進副將張文煥帶正信營都司劉芳貴帶寶後營由右路傍河而進李續宜督千總蕭啟掌等率湘副中營隨舒保馬隊由中路而進列陣甫定該逆率眾三四千人分路抗拒又以馬隊數十騎向中路連衝兩次我軍屹立不動乘其疲而擊之相持數時之久賊礮漸衰我軍一

鼓而前馬隊縱橫衝擊鎗箭齊施刀矛並進斃其騎
馬悍賊十餘名餘賊大亂奔竄我軍乘勝追勦並毀
賊篷數所賊壘六座其由右路潰逃者經張文煥劉
芳貴截勦其由前面奔逸者經中路馬隊追截及孫
昌凱水師迎頭轟擊其向左路由浮橋走者經黃澤
遠等截而殲之時斬水援賊千餘欲渡橋來援黃澤
遠督勇奮力迎擊曹日昇分軍往助署黃州通判葛
致遠帶隊繼至三路會勦賊勢不支當卽敗退統計
各路陣斬擊斃之賊及投水死者約二千餘人奪獲
馬匹器械等項甚夥我軍愈戰愈酣餘勇可賈李續

宜復率湘寶等營馳往流水灣攻剿賊壘賊知孫家嘴之敗匿不敢出但憑牆施放鎗礮我軍肉薄屢攻不下適三台河防兵鄒漢章等隊伍及孫昌凱礮船續至水陸夾攻斃賊無數其越牆而出者約四五百人經馬步伏兵全數殲旃我軍收隊回營已三更矣其唐訓方等軍伏於鳳皇山者遇柳家灣等處往援孫家嘴之賊約三千餘人經唐訓方率余雲龍等奮力擊剿斃賊甚多追殺十餘里而還孫家嘴等處業已肅清署蘄州候補知府彭應鯉署蘄水縣劉縈亦稟報連日剿賊獲勝黃州協副將書紳黃岡縣知縣

黎道鈞各搜殺附近匪徒現在我軍壁壘一新聲威
大振此黃州一路剿辦情形也除仍相機前進期於
節節掃蕩由兩廝直達下游速清楚境進圖江皖仰
紆宸厯外查黃梅馬步各軍前次童司牌之戰
及現在黃蠟山等處大獲全勝前後斬馘以萬計爲
楚軍罕見之奇捷雖係都興阿李續賓調度得宜亦
由該將領奮勇圖功據都興阿查明謀勇兼全首先
登壘戰功懋著各員弁聲請隨摺先行保獎前來其
鮑超一員連日血戰率同親兵累屍登壘身腿受傷
仍不少卻尤爲忠勇罕匹相應彙繕清單恭呈

御覽仰懇

天恩優加獎勵俾將士益加感奮此

外出力員弁兵勇人數尙多可否籲懇

恩施由

臣等覈實查明另摺保獎伏候

聖裁

再副都統銜協領業鏗額巴圖魯密雅明阿本年六月二十六日因賊撲黃梅十里鋪官營密雅明阿由濯港帶隊馳往接應衝入賊陣殺賊多名被賊鎗子透傷臍肚旋即收隊醫治罔效至三十日身故又吉林領催委防禦來福霆字後營哨官守備銜儘先千總何有貴儘先外委易榮貴均於七月初一日進剿黃蠟山賊壘力戰陣亡又霆字後營儘先守備陶忠

秦右營儘先守備陳德懋均於七月初二日在黃梅
甘家畝等處追賊力戰陣亡據都興阿咨報前來臣
等查密雅明阿忠勇善戰自攻克漢陽下勦黃州屢
著奇功爲督帶馬隊出色之員今奮勇勦賊被賊鎗
傷臍肚越數日因傷身故實與臨陣捐軀之來福等
員無異均堪憫恤相應仰懇 天恩俯準 敕

部將密雅明阿照副都統陣亡例來福照佐領例陶
忠秦陳德懋照都司例何有貴照守備例易榮貴照把
總例從優議卹以慰忠魂出自 鴻慈此外陣亡

員弁兵勇仍查明分別辦理謹附片陳明

謹按此片及前摺所保人員均於八月初三日
接奉

旨準

乞免參將考驗弓馬片 七月二十一日

再管帶靈字營副將銜陝西宜君營參將鮑超忠勇
冠軍嚴申紀律自入戎行以來水陸數百戰戰必身
先臣胡林翼於上年保舉水陸總兵案內奉 上

諭著交軍機處記名俟軍務完竣再行送部引見欽
此欽遵在案隨經臣於上年七月委赴南省招募數
千人分爲陸師五營調赴北岸隨同將軍臣都興阿

攻勦黃梅小池口各路賊匪自本年正月迄今又大
小數十戰先後踏破賊壘約八十餘座無不衝鋒陷
陣身先士卒不避矢石以致迭受重傷正月初五日
攻拔小池口賊壘該員親率隊伍直搗賊營被亂石
打傷右額三月十六日攻打小池口城賊該員首先
抓城被鎗子打傷腦頂偏右骨損又滾木打傷左手
又鎗子傷穿右腿均至今未愈七月初一初二等日
該員不以重傷爲念猶親率營哨攻破黃梅之黃蠟
山等處賊營四十八壘又被賊刀傷左腿半年之內
連帶五傷查武職副將以下例應送部引 見考

驗弓馮今該員手足因打仗迭受重傷不便騎射其
奮勇敢戰實爲東南數省不可多得之將合無仰懇
天恩敕部註冊俟送部引見免其考驗弓
馬以示體恤而勵忠勇謹附片陳奏

黃州馬步各軍攻剿獲勝巴河以上黃州境地
一律肅清疏 七月二十六日督發

竊黃州官軍自七月十一二等日剿除黃岡縣屬孫
家嘴等處賊壘後臣官文復卽咨行各軍乘勝攻剿
而偵知岡蘄連界之馬家河火石港馬家團柳家灣

四方倉印馬地大樹林等處賊營棋布星羅非出奇制勝以除之則我軍動多牽掣臣胡林翼遂率督糧道唐訓方道銜候選知府李續宜審察地勢分路進剿十六日風大而逆惟仁字一營出隊僅獲小勝十七日大雨未卽進兵十八日子刻臣胡林翼派仁字六營由左路進以馬隊四十匹偕之又以兩訓義寶信共五營由中路進馬隊四十匹偕之又以昌營及團勇排列右路爲疑兵而以湘寶二營並信中營隨同副都統舒保馬隊伏中路山陰相機而動均於寅刻出隊而賊初不知我軍之注意何路也均負嵎不

出憑牆施放鎗礮我軍誘戰踰時賊以三千餘人拼
右路以四千餘賊拼中路以七八千賊直撲我左路
我軍何紹彩率仁字六營勇丁力禦之李續宜當與
舒保熟計料賊向我左路不支必以左右中路之賊
全撲我中路遂密派張文煥等率信中營黃澤遠等
率湘新營劉芳貴等率寶後營李續宜自率湘副中
營均捲旂息鼓分四枝向左路伏山而行出其不意
奮擊賊腰何紹彩等見賊將爲我軍所截與馬隊合
力圍剿左路之賊大敗潰竄中路賊見之急揮賊隊
突我中路並援賊之左路唐訓方率正訓營唐協和

率副訓並信義寶等各營偕馬隊奮力擊退而右路之賊亦卽潰竄維時臣胡林翼正率親兵督陣示以機宜各營勇乘勝追殺直搗賊巢火箭火蛋鎗礮齊施舒保復統率馬隊馳驟衝擊塵戰已三時之久連踏賊壘四座我軍右中兩路見賊老營已被勇氣百倍馬步合力環攻連踏賊壘四十餘座壘外之賊悉被我軍擒斬壘中之賊多已焚死逃散之賊又爲我軍圍蹙投湖淹斃者無數馬家河等處賊壘悉平計是日焚死擒斬陣殺淹斃約賊四千餘名奪獲軍械賊物無算敗賊盡竄蘄水深山我軍復追殺十餘里

而這是日之捷李續宜料敵決勝隨機應變且智勇
深沈尤堪嘉尚而將士用命則以仁字六營更爲出
力現在上巴河以上黃岡境內一律肅清臣胡林翼
現卽提師進駐蘄水臣官文查蘄廣山深箐密皖逆
之分踞四瀆要隘者尙多再得數大戰以次掃蕩則
全楚自臻安定昨接江西各屬來稟瑞州府城已於
七月中旬經楚北援軍克復則九江賊勢日孤我軍
合力下勦似易尅期得手除瑞州克復詳細情形由
臣胡林翼另摺奏報外所有黃州馬步各軍進剿
賊壘大獲勝仗情形謹繕摺由驛六百里馳奏

黃州馬步各軍移營蘄水乘勝進剿續獲大勝

疏 八月初七日督發

竊黃州官軍七月十八日剿除黃岡縣屬馬家河等處賊壘後各軍進駐蘄水臣又卽調派水師儘先參將李濟清督帶長龍舢板等船十餘號駐紮蘄水之蘭溪及對岸黃石港等處以扼大江之衝要而杜逆賊之偷越兼壯我軍陸路之聲威臣胡林翼於二十一二等日率各師駐紮蘄水之月山偵知各鄉村踴賊不下數萬又新添安徽悍賊萬餘來接二十三日我軍安營甫定賊以三大股分左右三路來撲又

各分數枝搖旂吶喊勢極兇悍先由右路直撲訓義等營計誘我軍全力往援卽乘虛撲我申左兩路候選知府李續宜當令劉顯魁等率寶後營四哨迎擊督糧道唐訓方率正訓營唐協和等率信義等營嚴陣以待俟賊至山腳以礮轟之賊眾且前且卻者五六次而申左兩路之賊紛紛前進李續宜遂以李耀南黃澤遠等率新後營堵中路張文煥等率正副信營堵左路彭毓楠等率湘副中營及寶後營一哨分策申左兩路又飛調何紹彩六仁營爲接應李續宜正在揮隊與賊力戰適何紹彩率仁營勇丁擊

賊之尾斬水縣劉縉復督帶團勇齊力奮擊斃賊多名餘賊敗竄時馬隊分三路衝突臣胡林翼督親兵亦至指揮各路且戰且進齊撲賊壘李續宜與何紹彩會合副都統舒保馬隊分路夾擊直搗賊巢火箭火彈鎗礮齊施延燒賊壘六十三座並賊屯糧之所一燼而空殺斃焚斃陣斬及淹斃之賊五千餘名馬步渡河追擊又連破賊壘偽城五座擒斬僭乘黃轎賊目偽檢點偽指揮等三十四名均在賊屍身搜出偽印多顆奪獲鎗礮器械無數亥刻收隊回營二十四五六等日復分路出隊馳赴界嶺曹家河長塘角

沈馬販等處追剿逆賊望風披靡又被我軍殲斃二千餘名是役也我軍連日苦戰又移營百里竟能於數日內剿除賊壘六十餘座殺賊七千有奇馬隊又追剿百餘里之遙實皆仰賴 聖主威福將士用

命現仍乘勝下剿期速節節掃蕩會攻九江道銜候選知府李續宜精於兵事智勇深沈此次連破賊壘百餘座應推首功請免選本班以道員儘先選用並請 賞加勇號江西補用都司劉芳貴圍攻瑞州一年身經百戰功績最懋此次回剿兩斬賊匪戰功尤著請免補都司以游擊由部儘先推補並請

賞加參將銜藍翎守備銜儘先千總黃澤遠該員由鄂派援江西戰功最著茲復回援兩蕪銜鋒陷陣功績尤多請以都司超補並請 賞換花翎湖北儘

先副將張文煥忠勇冠軍戰功尤著請仍以副將由部遇缺儘先推補並請 賞加勇號藍翎都司銜

守備王載駟藍翎守備唐義訓藍翎守備彭炳武久圍瑞州出力本應敘功請獎茲回剿兩蕪勇毅冠軍破壘百餘座殺賊逾萬人王載駟唐義訓彭炳武均請以游擊儘先拔補並請 賞換花翎藍翎千總

彭星占屢次殺賊身受礮傷裹創力戰追賊二百餘

里勇敢尤著請以都司超補並請

賞換花翎均

出自

聖恩以期將士鼓舞用命此外出力兵勇

應請準臣等擇尤保

奏伏候

聖裁

上諭官文等奏黃州官軍移營進剿續獲大勝一摺此

次移營進剿竄賊斬馘甚多著官文等嚴飭帶兵將弁
乘勝下勦節節掃蕩以期會合諸軍迅克九江府城毋
稍延緩道銜候選知府李續宜著賞給伊勒達蒙額巴
圖魯名號江西補用都司劉芳貴著免補都司以游擊
歸部儘先推補並賞加參將銜守備銜儘先千總黃澤
遠著以都司陞補並賞換花翎湖北儘先副將張文煥

著賞給彪勇巴圖魯名號守備王載駟唐義訓彭炳武
均著以游擊儘先拔補並賞換花翎千總彭星占著以
都司升補並賞換花翎其餘在事出力兵勇並著該大
臣等查明擇尤保奏該部知道欽此 八月二十一接奉

奏陳全楚肅清現在會攻潯城進剿宿太疏入
月二十三日督發

竊皖逆疊受大創七月內我軍由蕪水節節進剿賊
眾逃回宿太者不下十餘萬而黃梅小池口僞城踞
守之賊抗拒如故臣官文以賊醜正衰亟宜水陸大
舉卽經咨行楊載福都興阿等以先拔小池口僞城

撤其犄角固我藩籬爲目前要著臣胡林翼督所部各營並李續宜唐訓方等湘勇由上游蘄水蘄州而達廣濟黃梅節節搜勦勢如破竹焚燬賊巢擒斬逆黨不可勝數當派唐訓方一軍駐紮蘄州之張家塢范家灣等處設卡建礮以扼宿松入楚之吭臣胡林翼連日與都興阿多隆阿楊載福李續賓等商議圍勦小池口之策而敗賊虜聚黃梅後山繞至五里涼亭迤北一帶復新築三大壘以阻我師八月初四日更餘都興阿商令多隆阿鮑超各挑馬步隊伍分三路潛進先襲燒其後山賊壘羣賊駭奔餘壘亦潰我

兵四路勦殺礮斃燒斃及圍逼溪河淹斃者無算馬步各軍復連夜追勦計沿途殺賊三千餘生擒百餘名奪獲大礮六十餘位擡鎗器械無數天明追至桂家畝渡河橋復踏毀賊壘十餘座維時黃梅境內已漸肅清僅小池口僞城賊窟尙死守待援也臣胡林翼遂令楊載福等撥礮船於初八日由陸家嘴移營進逼小池口晝夜環攻連燬賊壘數處又令李續賓等陸軍預備稻草沙囊爲填濠登城之具該逆百計防禦我軍日夜轟攻片刻不停偵知僞城內器皿炊爨各具概被大礮擊碎炊煙不起已歷數日而守

分別辦理外謹將埽蕩斬黃賊窟攻拔小池口偽城
全楚肅清緣由恭摺由驛六百里馳奏

上諭官文等奏官軍埽蕩斬黃賊巢攻拔小池口全楚肅
清一摺 勦辦甚屬得手著官文等督飭在事文武乘
此聲威攻克九江並分兵追勦逃竄嶺太股匪以期迅
埽餘逆疏通江路所有此次出力員弁兵勇著準其擇
尤保奏候朕施恩欽此 九月初九日接奉

奏陳堵勦豫捻各軍分別撤畱以資控扼疏 九

月初十日督發

竊據安襄鄖荆道毛鴻賓署襄陽府知府劉齊銜會

稟據隨州棗陽各牧令稟報八月十五日河南大股
擒匪王四老虎等糾眾五六千由泌陽竄至南陽府
屬賒旂店等處又分股擾及唐縣焚搶擄掠勢甚披
猖逼近隨棗邊境稟請派調兵勇馳往堵剿等情當
經臣等於黃州下游調派副都統銜參領舒保等帶
馬隊一百五十名又調駐紫漢陽小河口荊州旂營
佐領安祥管帶防兵二百名又派都司王玉琳帶鄖
竹弁兵七百餘名副訓營同知唐協和帶南勇六百
名派水師中營都司曾紹霖帶礮船二十餘號水陸
分馳前進並飭署提臣 訥 由省馳赴襄陽守禦去

後昨復據襄屬來稟探悉該匪知楚省勁旅遠行聞風震懼未敢逼近楚境已全數分竄泌陽舞陽等情馳報前來臣等查豫省捻匪黨類股數紛繁乃巧於避實就虛我師未至率眾先遁雖懾於楚北軍威而往來颺忽其狡已可概見刻下隨棗等屬邊境安堵如常第襄樊爲中原重鎮仍當先事籌防現下游已經肅清應撥馬步水師於該處防堵其旂綠各營酌撤歸伍以節糜費所有駐紮襄樊馬步水師均由舒保統領嚴密巡防以資控扼而靖人心兼爲豫省壯其聲威於該省勦辦機宜更有裨益除飛咨河南

撫臣英桂暨勝保查照外謹將堵剿捻匪師行未至
匪眾風聞懼竄分別辦理情形會同署提臣訥欽恭
摺由驛五百里馳奏

奏陳克復江西湖口縣城大概情形疏九月二

十三日督發

竊湖北下游官兵八月內克復小池口後臣官文等
復卽咨行水陸各軍乘勝圍攻九江並進規湖口以
聯江楚兩軍之聲勢適接探報知湖口賊船增至數
百號圖援九江九月初七日李續賓楊載福等議派
陸勇由下游襲攻湖口之背水師夾攻於前爲出其

不意之策密約內湖水師彭玉麟同日大舉李續賓
遂調各營聲言搜勦宿太等縣卽於初七日渡江暗
於是夜四更拔營楊載福亦由水路直下副都統銜
總管巴依爾呼蘭等馬隊亦由陸路馳騁八里江岸
一帶初入日水陸各軍齊攻湖口縣附近之七里衝
三街市月台山等處賊卡高壘水師復上下轟擊晝
夜不息愈逼愈緊焚奪賊船不下千餘隻至初九日
辰刻十壘盡破李續賓與楊載福等督各勇架梯緣
城並將火箭射入城中適燒該逆火葯局響聲震天
滿城皆火賊眾爭門竄逃當將縣城克復其梅家洲

偽城亦同時攻拔我軍分道邀截追殺二十餘里斃賊二千餘名燒斃溺斃者不可勝計生擒偽總制二百餘名奪獲大小礮二百餘尊此九月初九日克復江西湖口縣城並拔其梅家洲偽城掃清水面之實在情形也臣等查江西湖口縣爲東南省居中之要隘外可以縱橫長江上下通南北兩岸而趨鄂皖內可以往來鄱湖上下通東西兩岸而達章貢計自該逆盤踞以來已將五載前塔齊布等多方攻剿未能得手今仰仗 聖主威福將士拚力苦戰極兩日一夜之力掃積年踞險負固之賊窟而外江內湖水

師聲息相聯千里江面一律肅清使溇城之賊援斷
路窮以除東南大患實足以震天討而快人心
除水陸進兵詳細情形另摺具陳外謹將克復江西
湖口縣城並攻拔梅家洲僞城大概情形恭摺由驛
六百里仰紓宸廑再臣胡林翼於克復小池口
後暫駐九江營內將勦守事宜籌商周妥旋於九月
初一日回省合併陳明

上諭官文等克復江西湖口縣城一摺該逆盤踞湖口
已及五載現已將縣城克復著官文等督飭水陸各軍
乘勝進勦克復九江迅掃賊氛以清江面欽此十月初

七月接奉

請

飭秦晉蜀三省仍遵前

旨等撥鄂

餉片

九月二十三日督發

再楚北肅清後臣都興阿已率領馬步進規宿太九江長圍困賊該匪堅守如故自瑞州復而賊勢孤自小池口復而賊勢愈孤賊所恃以應援及接濟者惟湖口耳現經楊載福彭玉麟李續賓水陸夾擊將湖口賊船全行焚奪片帆不返卽於九月初九日克復湖口縣城梅家洲賊壘該匪如釜魚檻獸計窮援絕行見聚殲查九江之於金陵風利五六日可到水師

陸師乘此機勢正可直搗皖南皖北兼及江甯瓜步江而肅清全局可圖在此時矣楊載福彭玉麟之水師戰無不捷且熟於江路洞悉賊情兼以船身礮位大小相兼遇有賊划停泊港汊隨時搜捕出入便利非若下游戰船推移費力無風不行也惟是東征水陸馬步兵勇長夫四萬餘人月餉二十餘萬籌之本省濟自鄰封時形支絀秦蜀之餉本未如期如數現除積欠不計之外益屬嗷嗷待哺本年勸黃一帶邊警征調製造更添意外之需又兼內湖水師彭玉麟一軍積欠口糧已逾八月每月口糧須銀二萬餘兩

五年賊窟一鼓蕩平能使彭蠡鄱陽數百里巨浸一律肅清從此外江內湖聯絡一氣兵勇更厚賊勢益孤自應不分畛域多方接濟臣與撫臣胡林翼目擊各營飢困日夕籌思五中焚擣夫沿江險要之地賊得之可以拒我我得之卽可以制賊今自武昌以迄江甯千數百里建瓴直下無虞梗阻尙因餉匱坐失事機臣等負罪愈大自問亦無地可容合無仰懇

皇上天恩飭下秦晉蜀三省仍各遵前

旨按

月籌餉銀五萬兩迅解來鄂再益以鹽課牙帖釐金樽節支應使行軍有裹糧之樂奮志東征節節掃蕩

古文忠遺集卷三十一
天下幸甚臣等不勝翹盼惶感之至謹會同撫臣胡林翼合詞附片具奏

謹按此片奉有

諭旨著四川總督臣等撥解

再臣等於咸豐七年九月初二日承準軍機大臣字寄咸豐七年八月二十五日奉 上諭李孟羣奏餉需告匱請飭四川按月撥銀三萬兩並請由楚省鹽課先行墊解等語川餉未到以前卽著官文胡林翼於該省鹽課內先行籌墊解往俾得將欠發兵餉早爲散放至楚省協濟李孟羣軍餉前曾諭令該大

臣等於先解二萬兩外仍源源接濟此時該藩司需餉孔殷並著官文胡林翼遵照前旨速籌接濟等因欽此除飭糧臺總局司道趕緊籌墊外查該藩司前於本年四月 奏派赴援廬州所需軍裝口糧已先後由楚籌給銀一萬八千餘兩米一千石經 臣胡林翼於五月二十四日附 奏在案嗣因該藩司李孟羣餉精不繼又飭糧臺司道於五月二十五日閏五月初四六月初七八月初七等日疊次委員解連該藩司軍餉銀一萬一千兩連前共解過該藩司銀三萬九千餘兩米一千石又搭解火藥火繩火香檯鏡

烏鎗帳房等件以資軍用現仍遵奉

諭旨設法

解濟上紓

聖念又前派赴江西瑞州援軍暨內

湖水師節次解過銀六萬九千六百兩錢五千串亦

經

臣

胡林翼先後

奏報在案嗣因瑞郡攻剿得手

又飭糧臺司道於閏五月六月九月先後籌銀三萬

兩由湖南省委員轉解道員吳坤修補用直隸州知

州劉騰鴻副將普承堯彈收支發及內湖水師道員

彭玉麟餉項軍火不繼亦由糧臺於七月二十七日

九月初七日委員解銀六千兩火藥二萬觔大小礮

子四萬九千觔並火毬火箭火香皮紙洋銅大小礮

位均由九江轉解南康應用查湖北水陸馬步兵勇
數萬進剿溥皖需餉既繁積欠甚鉅籌措之難竭蹶
之狀早在 聖明洞鑒之中而江皖實有不支大
局所關仍不得不設法羅掘均勻接濟免誤事機除
撥解銀兩由各該營分別造報外所有籌撥安徽藩
司李孟羣並籌解江西撥兵及內湖水師兵餉軍火
緣由謹附片奏 聞

胡文忠公遺集卷二十終

胡文忠公遺集卷二十一

長沙鄭敦謹

編輯

湘鄉曾國荃

起復水師統將以一事權并密陳進剿機宜疏

七年九月二十六日

竊以本年賊匪大股上犯楚邊節次痛剿幸獲肅清
小池口偽城既已克復湖口縣城并兩岸夾守之偽
城及賊船數百號又已焚奪一空片帆不返查九江
之賊恃小池口湖口爲犄角者也茲於一月之內奪
其所恃薄城岌岌孤立糧草有餘逃竄無路克復之

機似有把握從此大軍建瓴東下直抵金陵擒渠堵
入此天下軍民所日夜企望之機會矣惟是水軍萬
餘人江面千餘里若無總統大員節制調度則號令
不一心力不齊譬如舟行有檣颿而轉舵不得人陸
行有良馬而轡策不在手終必危殆而不安矣水師
一軍建議於江忠源創造於曾國藩而整理擴充至
近年而始大戢艦輜重八九百號大小礮位二千尊
江漢之師如雷如霆軍聲不爲不盛惟是出楚入吳
風利不泊卽瓜步金陵均可隨機勦辦其應與吳皖
統兵將帥互相策應之處旣非李續賓楊載勳彭玉

麟所能咨商而李續賓楊載福彭玉麟之嚴厲剛烈落落寡合亦非他省將帥所能認遣且軍旅之事以一而成以二三而敗唐代九節度之師潰於相州其時名將如郭子儀李光弼亦不能免蓋謀議可資於眾人而決斷須歸於一將此又軍事之大較矣楊載福彭玉麟經會國藩拔識於風塵之中自湘潭出師以至今日久已分爲兩部卽不能統爲一軍在該員本無不利而兩營弁勇卽有才力不相上下之勢是該鎮道勢又不能互爲統轄查丁憂兵部侍郎會國藩持躬謹慎早邀 聖鑒水師將弁皆其舊部吳

會形勢阨塞之要尤所畱心前請終制蒙

恩暫

準會國藩讀禮家居曷嘗須臾忘天下哉茲幸機勢可乘東南大局時不可失移孝作忠出而任事天下後世將益信其忠而不能責其不孝事必見其大而時必乘其先應請 飭下會國藩迅速起程山鄂

抵潯卽日督同楊載福彭玉麟李續賓等水陸各軍會合將軍都興阿長驅東下都興阿忠勤素著馬隊勇敢冠軍素與南勇將士一力一心必可直搗金陵預操勝算扣臣更有請者自軍興以來凡官軍所到之處賊必嚴爲之備我軍銳氣卽攻礮石所及徒掘

精銳積日累月壯氣潛消悍賊乘之轉致於敗又賊之詭計以堅守綴我兵力轉於無兵及兵弱之處狡焉思逞是我軍之膠滯一隅而賊乃得以出沒無定循是不變則兵日見其少而賊日見其多固非賊之果多於官軍亦非賊之果強於官軍也卽如四年臣同塔齊布羅澤南等力攻九江及湖口西岸梅家洲賊城旬日之間傷亡至多五年羅澤南李元度等專攻湖口縣城城不可拔六年七年彭玉麟楊載福約會夾攻迭次血戰因無陸師相依遂無成效其不得手之故無他兵出以正不以奇賊得以先爲之備也

此次李續賓楊載福先期密商以陸師五千人從潯城渡江而北揚言進勦宿太而卽夜潛入舟師繞出湖口之下十里天甫黎明舍舟登陸踞城後山巔盪其腦而剗其背其時內湖外江水師血戰方酣賊亦盡力抗拒陸軍大呼突入水陸之賊均駭愕失措不知此軍從何而來也是役也臣愚以爲深合於出人意而攻不備之兵機固非臣之智慮所及竊計以陸師精兵六千人另籌每月船價銀二萬兩雇民船四百號從水師之後仍帶長夫鍋帳并二月米糧軍火遇皖南皖北江南等處有賊之處隨機雕勦則我兵

所至皆賊計之所不及防迨其聞警調援我軍即可
迎戰抑或堅守不出我兵亦可改圖兵到之後賊必
設備設備之後兵可遣歸兵歸之日賊必弛備弛備
之日兵可再出計不出數月而賊技已窮賊勢必蹙
矣惟是以奇兵雕剿在乎審機觀變無論南岸北岸
江界皖界應 飭帶兵大員覘賊所在不拘守成
法不頓兵堅城不爲鄰省所節制不爲賊情所牽綴
動靜之機默存於心倏往倏來如出九天而入九淵
不僅賊匪不能窺其機卽他省將帥督撫亦莫能測
其用若使稍有沾滯兵機必鈍矣又兵勇之敢戰者

傷亡必多卽如初入初九湖口之役水陸中傷其九
百餘員名血戰之奇固近年所罕觀然傷亡過多卽
宜調回武漢加意休養以慰軍情而養士氣仍以精
兵調赴下游彌縫其闕更番迭戰如環無端則往來
進退神變不窮庶不致拘滯一隅轉誤大局應請以
九江爲老營根本仍以武昌爲補換并糧臺根本則
餉精不匱而士氣常新必於討賊機宜大有裨益愚
昧之見如蒙 聖明採擇一二可否一併 飭
下曾國藩議復施行理合繕摺馳 奏

上諭胡林翼奏請起復水師統將以一事權並密陳進剿

機宜一摺官軍克復小池口湖口縣兩處九江已成孤
立之勢卽日攻克水陸大兵卽可相機東下所奏不爲
無見惟曾國藩丁憂後奏派楊載福總統內湖外江水
師彭玉麟協同辦理業經明降諭旨允其所請朕因該
侍郎懇請終制情詞懇切且江西軍務漸有起色是以
令其暫守禮廬楊載福等統帶水師旣已著有成效自
應仍歸該總兵等相機調度以專責成曾國藩離營日
久於現在進剿機宜能否確有把握尙未可知若待其
赴潯督辦恐有需時日轉懈軍心胡林翼久歷戎行於
軍務尙爲熟悉著將省城公事趕緊料理卽行馳赴九

江與都興阿楊載福等會商妥辦務使各營將士同心
勦力以期迅殄逆氛其膺懋賞該撫奏稱奇兵雕勦在
乎審機請飭帶兵大員覘賊所在不拘成法不爲賊所
牽綴等語此係出奇制勝之法現在若能抽出一軍卽
可照此辦理該署撫與官文都興阿楊載福等商辦正
不必待會國藩到楚方能定議也至受傷兵勇調回休
息仍調精兵彌縫其闕亦屬可行著與官文等一併籌
畫辦理將此由六百里諭令知之欽此

接奉軍機字寄

再江西補用直隸州知州銜勇巴圖魯劉騰鴻於本

年七月攻復瑞州當日陣亡業經在內巡撫王名
奏準以道員例優卹在案竊維楚軍自曾國藩羅
澤南李續賓等帶兵討賊均出其父教嚴明訓勵不
懈故能移孝作忠始終一致臣查劉騰鴻之父劉象
觀長沙府學附生年已七十矣師法濂洛粹然名儒
粵匪初犯湖南劉象觀卽與羅澤南李續賓等講明
鄉守之法並飭其子弟究心兵畧每致書於臣縱論
時事忠愛之意溢於言表迨至咸豐五年賊踞武漢
劉象觀以老病不能從軍乃命其子劉騰鴻募勇來
援六年四月由鄂省派援江西大小百餘戰將畧可

威劉騰鴻於軍中得父書每勗以忠勇報國廉正
自守並引事君不忠非孝戰陣無勇非孝等語相勉
勵劉騰鴻以其父書激勵所部軍士有聞而感泣者
以故劉騰鴻一軍紀律最嚴秋毫無犯甘苦與其戰
必身先戰歿之日瑞州士民走而哭者數萬人兵餉
積欠百姓之輸於該營者為獨厚是劉象觀之善教
其子實有合於孝慈則忠之義前者羅澤南李續賓
均經臣奏奉恩旨賞給其祖父封典茲
劉騰鴻戰功最著已照道員賜卹在該故員以
書生從戎忠孝大節原無缺憾惟其身歿之日尙無

子嗣其胞弟代領其眾仍留江西軍營老親年尚獨
居鄉里合無仰懇 天恩賞給其父母正四品封
典在 皇上錫類推仁有加無已而草野之 臣懷
抱忠義姓名上達於 宸聰庶幾海內聞風頑廉
懦立實於聲教有裨是否有當謹附片具 奏

謹據此片於 月 日

接奉

旨準

再蘄水縣典史徐學浩係安徽懷甯縣人在任二十
年緝捕勒能真情受戴自粵匪竄擾楚省歷次辦團
殺賊復奉委於蘄羅交界帶勇防剿一載有餘接仗

數十次擒斬賊數百名又協剿擒匪李兆受夥黨幫
辦捐輸糧米備極艱辛積勞成疾咸豐六年八月十
六日賊匪上犯該員帶病督戰旋即斃於營身故又候
選從九品周星照係湖南長沙縣人經鄖陽鎮總兵
楊載福派帶水師咸豐四年七月隨同克復武漢各
城進剿田鎮衝鋒冒險勞苦成疾派赴南省請領戰
船等項差次病故又選用州同伍典係湖南慈利縣
人前在軍營屢著戰功觸暑成疾在營患病給假尙
未回籍旋即病故 臣查該員等力疾從公屢著戰績
雖與臨陣捐軀有間實屬效於王事可否仰懇

皇上天恩準將該員等照軍營病故例給卹以慰忠魂而昭激勸理合附片 奏明

硃批均照所請議卹欽此

訪舉隱逸乞

賞給京銜以正人心而勵士

習疏 九月二十六日

竊維鄂居天下之中水陸四達平時富商巨賈往來
聚集競尙繁華閭閻耳濡目染相習成風變本加厲
士者蓋隱憂焉迨經兵燹迭擾民氣凋殘遷播流離
民困此固循環剝復之自然亦天心人事轉振
之機會也臣維移風易俗教化爲先顧官之於民條

告或覲爲具文刑章亦倖圖苟免不若鄉之賢士大夫朝夕與處情易通而言易入者亦勢使然也特以側陋寒微不求聞達當道者又不搜羅引汲任其淪沒巖阿無怪乎滔滔皆是提倡無人而浮僞之士且以爲積學立品如某某者卒亦無所表見甚至窮餓終老人亦何樂爲君子而恥不爲君子哉此世風之所以日下而人才之所宜亟舉也鄂之興國州爲江西入楚門戶逆匪頻年嶮負蹂躪特甚處士萬斛泉結茅山中讀書講道賊至時正襟端坐絃誦不輟賊亦不敢逼自相引去平日以朱子小學暨近思錄爲

宗尤精研大學衍義並性理諸書家貧性孝取
苟學臣龍啟瑞杜翰將拔爲秀才遂不應試延圭崇
正書院講席深裨士林其弟子宋鼎鄒金粟均布衣
不求仕進安貧樂道砥礪廉隅爲鄉里所矜式臣徵
之皆不肯出復加採訪輿論翕然竊以造物生才原
關氣數國家選士不限雲泥當茲力挽頽風得才
士百不若得醕士一可否仰乞天恩準將興國
州處士萬斛泉給予國子監學正銜宋鼎鄒金粟均
予翰林院待詔銜庶幾觀感奮興頑廉懦立其率由
於仁義道德之域實於人心風俗大有裨益謹繕摺

具奏

硃批禮部查議具奏欽此

酌議驛站變通報銷章程乞

敕部議覆疏

九月二十六日

竊據藩司馬秀儒臬司羅遵殿會詳咸豐二年以來
湖北有驛州縣多被賊擾致將驛馬劫失號舍焚燬
勦退後均仍照舊安設修理接遞文報差使查馬匹
一項例應詳領司照戶部換票出口購買始準填補
上站維時軍報絡繹若遵定例買馬遞送緩不濟急
必致貽誤經該州縣於附近地方各按例價額數買

馬補站或按額數雇馬應差卽完善各驛自咸豐三年起至六年止每年倒馬或因道路梗塞難以專丁赴口或因臬司遠在軍營未能照例請票亦在附近地方按年按額買馬填站其失驛州縣未設以前俱係雇夫代馬均經通稟有案辦理係屬權宜所有未經奏銷之歷年支用驛站銀兩自應變通報銷擬請將咸豐二三四五六等年各驛在於附近買馬者無論填補失馬倒馬準照出口買補倒馬之例分年支銷馬價叩解皮張銀兩仍不得過年額存七倒三之數如係雇馬應差不準支銷馬價應以咸豐七年

爲始按照倒馬例數遞年請稟補價俟口馬買到若干卽裁去雇馬若干並俟雇馬裁竣始準接報倒馬不許兩項並支其被擾州縣未失驛站以前及失後補設並完善各驛無論買馬雇馬查係實在夫馬足額者厯年額支夫馬工食工料加閤支應號房鞍雇夫價健夫工食等項銀兩準其一體照額開銷不足額者按數核減其失驛州縣未設以前雇夫代馬此項健夫工食銀兩應請比照襄陽穀城均州鄖縣四州縣添設王政橋等一十七站之例按日按名支食如雇夫較多不得過原額馬夫之數等情請 奏前

來臣等查楚省州縣近年驛站夫馬事宜實因限於
時勢未能循例辦理該藩臬兩司酌擬變通報銷章
程係爲核實搏節力杜浮冒起見惟事關動支驛站
錢糧且與成例多有不符未便擅專相應請
敕部議覆遵行
旨

胡文忠公遺集卷二十一終